

16. marts 2015

FM 2015/99
Ilanngussaq 1

Naqqiut

Siunnersuutip eqikkarnera 16. december 2014-meersoq (ilanngussaq 1) taarserpaa

(Siunnersuutip eqikkarnerata nutseqqinneranik allannguisoqarpoq)

Meeqqanut, Naligiissitaanermut, Akuliutitaanermut Isumaginninnermullu
Ministereqarfik
16. december 2014

Siunnersuutip eqikkarnera

**Namminersorsinnaanermik Kalaallit Nunaanni inatsisip allannguutaa pillugu inatsit,
aappariinnerup inatsisitigut sunniutai pillugit inatsisip Kalaallit Nunaanni
atuutilersinneqarnissaanik inatsit, Kalaallit Nunaanni eqqartuussisarneq pillugu inatsit
amma Kalaallit Nunaanni pinerluttulerineq pillugu inatsit**

(Angajoqqaattut akisussaassuseqarneq pillugu inatsisip aamma inuit marluk suaaraqatigiit
aappariilersarneri pillugit inatsisip peqqussutitallit)

Angajoqqaat akisussaananermik inatsit kunngip peqqussutaatigut Kalaallit Nunaannut
atuutilersinneqarpoq. Aammattaaq angajoqqaat akisussaananermik inatsisip atuutilersinneratigut
Kalaallit Nunaanni inatsisip allanngortinnissaat piumasaqaataavoq, pingaartumik Kalaallit
Nunaanni namminersorsorsinnaanermik inatsit aamma Kalaallit Nunaanni eqqartuussisarnermik
inatsit.

Inuit marluk suaassuseqatigiit aappariilersarnerat pillugu inatsit kunngip peqqussutaatigut
Kalaallit Nunaanni atuutilersinneqarpoq. Aammattaaq inatsisip atuutilersinneratigut inatsisip
sunniutaat pillugit Kalaallit Nunaanni inatsisimmi inatsisip ataatsip allanngortinnissaat
piumasaqaataavoq.

Inatsisissatut siunnersuummi inatsisitigut allannguutit uku pineqarput.

Kalaallit Nunaanni angajoqqaat akisussaananermik inatsisip atuutilersinnerata ilaatigut kinguneraa:

- Angajoqqaat meeqqamut pisinnaatitaaffeqarnerat pinnani meeqqap angajoqqaanut
marlunnut pisinnaatitaaffeqarnera angajoqqaat akisussaananermik pillugu aalajangiinermut
tamanut aalajangiisuussasoq aamma meeqqamut pitsaanerpaasoq aallaavigalugu
aalajangiisoqartassasoq. Meeqqap ukiui apeqqutaatinnagit meeraq suliami
ilanngutitinneqartassaaq, taamaalilluni meeqqap isiginninnera erseqqissarneqarsinnaalluni.
- Angajoqqaat ataatsimoorlutik angajoqqaatut oqartussaassuseqarput, tamannalu taamaallaat
atorunnaarsinneqarsinnaalluni meeqqamut pitsaanerpaasumut pissutsit pillugit angajoqqaat
suleqatigiissinnaanngitsut tunngavissaqarsorinarpat.
- Meeqqaminnik timikkut pillaasarnernik angajoqqaat atuisinnaanermik atorunnaarsinneqarpoq
("naveersisinnaatitaanerup" atorunnaarsinneqarnera).
- Angajoqqaat, angajoqqaatut oqartussaassuseqanngitsoq, meeqqamut pissutsit pillugit

meeqquerivimmiit, atuarfimmiit, isumaginnittoqarfimmiit aamma peqqinnissaqarfimmiit il.il. ilisimatinneqarnissamut pisinnaatitaaffeqarpoq.

- Angajoqqaat akisussaannerat il.il. pillugu sulianik eqqartuussiviit suliarinnittarnerat pillugu Kalaallit Nunaanni eqqartuussisarnermik inatsimmi maleruagassat Kalaallit Nunaannut atuutilersinneqartumi angajoqqaat akisussaannerannik inatsimmi maleruagassanut naleqqussarneqarput, tassunga ilanngullugu sulianik suliarinninnermi meeqqap ilanngutitinneqartarnerata nukittorsarnissaa aamma meeqqap isiginninneranik erseqqissaanissaq siunertaralugu.
- Kalaallit Nunaat siunissami angajoqqaat akisussaannerat pillugu nunani tamalaani suleqatigiinnermi ilaalissaaq, tassunga ilanngullugu nunani tamalaani meeqqanik aallarussisarnerit pillugit. Tassunga atatillugu pinerluttulerinnermi inatsit imatut allannortinneqarpoq naalagaaffimmiit meeqqamik inatsisit unioqqullugit annissisoq pineqaatissinneqarsinnaalluni.

Inuit marluk suaassuseqatigiit aappariilersarnerat pillugu maleruagassat Kalaallit Nunaannut atuutilersinnerisa kingunerisaanik ilaatigut Kalaallit Nunaanni inuit marluk suaassuseqatigiit nalunaarsukkamik inooqatigiinnermut taarsiullugu inuit marluk suaassuseqatigiinngitsut aappariilersimasut assigalugit aappariilersinnaapput taamaaqataanillu inatsisitigut sunniutai atuutilerlutik, tassunga ilanngullugu oqaluffimmi imaluunniit pisortanit katitinneqarneq.